

Communicaziun a las medias dals 27 da fanadur 2023 (**Communicaziun ad hoc tenor l'art. 53 RQ**)

La BCG cun ina pli gronda rentabilitad e cun prognosas positivas

La Banca Chantunala Grischuna (BCG) ha pudì augmentar cleramain sia rendita da fatschenta durant l'emprim semester 2023. D'ina vart stimulescha il return en in ambient da tschains positivs la fatschenta da deposits da la banca e da l'autra vart ha la ferma performanza d'acquisiziuns manà ad in resultat semestril da record. Grazia a quests svilups èn las prognosas per l'entir onn pli positivas che spetgà.

Las cifras distinctivas da l'emprim semester 2023:

- gudogn dal concern: CHF 119.2 miu. / +15.3%
- resultat da fatschenta: CHF 135.7 miu. / +28.2%
- afflussiun da novs daners: CHF +688.2 miu. / +1.5%
- emprests a clientas e clients: CHF +559.4 miu. / +2.5%
- relaziun da custs e d'entradas I: 43.5%
- relaziun da custs e d'entradas II (incl. amortisaziuns): 45.9%

La fatschenta da clients è creschida fermamain

Il volumen da fatschenta da la BCG è creschì en l'entir concern durant l'emprim semester per 3.7 pertschient sin CHF 72.2 mia. CEO Daniel Fust: «L'orientaziun consequenta a la clientella ed il posiziunament sco banca d'investiziuns segira e persistenta han manà a questa creschientscha surproporzionala ed a l'augment dal gudogn. Quest resultat semestril conferma nossa strategia e sustegna nossa persvasiun dad ir vinavant consequentamain la via in stradada.»

2.5 pertschient dapli emprests a clientas e clients

Ils emprests a clientas e clients èn s'augmentads per 2.5 pertschient ed han cuntanschì uschia in nivel tuttina aut sco l'onn precedent. Ils emprests ipotecars èn creschids cleramain era visavi l'onn precedent cun in plus dad 1.9 pertschient sin CHF 19.9 mia. Il volumen d'investiziuns cun in'afflussiun da CHF 0.9 mia. ha surpassà las spetgas en in ambient da martgà pretensius.

In gudogn dal concern pli aut grazia a la fatschenta da deposits revitalisada

Cun bandunar il reschim da tschains negativs ha la Banca naziunala svizra (BNS) pussibilità er a la BCG da rentabilisar puspè ils deposits da la clientella. Il president da la banca, Peter Fanconi, è fitg cuntent cun l'augment da la rentabilitad: «La normalisaziun dals tschains dal martgà da daners e da chapital ha revitalisà la fatschenta da deposits. Quai ha gì in effect positiv tant sin la rentabilitad sco era sin la productivitat. Il gudogn dal concern da CHF 119.2 miu. durant l'emprim semester marchescha in nov record».

Il resultat da fatschenta s'augmenta per 28.2 pertschient sin 135.7 milliuns francs

L'augment dal resultat da fatschenta per CHF 29.9 miu. mussa il svilup legraivel da la fatschenta operativa. Ils retgavs supplementars èn d'attribuir en emprima lingia al resultat da la fatschenta da tschains, als gudogns da contabilitad sin las investiziuns finanzialas ed a l'emprima consolidaziun da la BZ Bank. Las expensas da fatschenta èn medemamain creschidas, dentant betg tant sco il retgav. Grazia al stausch da productivitat impressiunant è sa meglierada la relaziun da custs e d'entradas II sin 45.9 pertschient.

Dotaziun d'agen chapital surproporzionala

La BCG dispona cun il resultat semestril 2023 d'in agen chapital (incl. minoritads) da CHF 2'848.8 miu. e da rectificaziuns da la valur e remessas per ristgas da credit inerentas da CHF 288.2 miu. Quai sa reflectescha er en l'auta quota d'agens meds (CET-1-Ratio) da 18.8%.

Perspectivas 2023: in gudogn dal concern da 230 milliuns francs

Sin fundament da las cifras semestralas adattescha la BCG sia prognosa per il 2023. La banca quinta cun in gudogn dal concern da circa CHF 230 miu. (enfin ussa CHF 210 miu.) ed in gudogn per scrit da participaziun da var CHF 94.00 (enfin ussa: CHF 80.00), resguardond in ulteriur augment dals tschains tras la BNS e martgads d'aczias stabils.

Contact:

Thomas Müller, thom.mueller@gkb.ch, telefon +41 81 256 83 11

Daniel Daester, daniel.daester@gkb.ch, telefon +41 81 256 88 01

Banca Chantunala Grischuna, chascha postale, 7001 Cuira | medien@gkb.ch / gkb.ch/medien

Banca Chantunala Grischuna.

La Banca Chantunala Grischuna porscha tut quai ch'i dovra per ina banca universal moderna – per persunas privatas, l'economia ed il maun public. L'interpresa cun sedia principal a Cuira è represchentada en passa 40 lieus en il Grischun. Cun var 1'000 collavuraturas e collavuratur è la BCG ina da las pli grondas patronas en il chantun. Sia attaschadada al Grischun exprima ella en moda multifara. Ultra da sias activitads economicas s'engascha ella cun ses sponsoradis, ses fond da contribuziuns e sias puschidas per lavur voluntara.

La BCG dispona da participaziuns da maioritad a la Banca privata Bellerive AG, a l'Albin Kistler AG ed a la BZ Bank Aktiengesellschaft e d'ina participaziun da minoritad a la Twelve Capital Holding AG. Il scrit da participaziun BCG è quotà a la bursa dapi il 1985.

Termins:

Quint annual 2023: 9 da favrer 2024

Radunanza da las participantas e dals participants: 20 d'avrigl 2024